

Broj:
Datum:

Na osnovu člana 61. stav 1. i 78. Zakona o građevinskom zemljištu Federacije Bosne i Hercegovine („Službene novine Federacije Bosne i Hercegovine“, br. 25/03 i 16/04), člana 200. Zakona o upravnom postupku („Službene novine Federacije Bosne i Hercegovine“, br. 2/98 i 48/99) i člana 18. stav 1. alineja 19. Statuta Općine Maglaj („Službene novine Općine Maglaj“, br. 8/07, 3/08 i 6/08), rješavajući po zahtjevu Smajlović (Ramo) Hamzalije iz Čoba, općina Maglaj, u predmetu utvrđivanja prava vlasništva na građevinskom zemljištu na kome je izgrađen objekat bez prava korištenja zemljišta radi građenja, Općinsko vijeće Općine Maglaj na _____ sjednici održanoj dana _____ godine donosi

RJEŠENJE

1. Utvrđuje se pravo vlasništva u korist Smajlović (Ramo) Hamzalije iz Čoba, općina Maglaj, kao graditelja objekta i pravnog sljednika graditelja objekta, na zemljištu označenom sa:
 - k.č. broj 464/19 „Vinogradić“ njiva 7. klase, površine 403 m², upisana u posjedovni list broj 13 k.o. Čobe, posjednik Općina Maglaj sa 1/1, po katastru zemljišta, a po zemljišnoj knjizi odnosi se na k.č. broj 464/19 „Vinogradić“ njiva 7. klase, površine 403 m², upisana u zemljišnoknjižni uložak broj 13 k.o. Čobe, pravo vlasništva Općina Maglaj sa 1/1.
2. Smajlović (Ramo) Hamzalija iz Čoba, općina Maglaj, dužan je platiti naknadu za zemljište iz tačke 1. ovog rješenja u iznosu od _____ KM po 1 m², što ukupno iznosi _____ KM, i to u roku od 8 (osam) dana od dana pravosnažnosti ovog rješenja na žiro račun Budžeta Općine Maglaj broj: 199-046-00032516-34, vrsta prihoda 722449, Općina 060.
3. Nakon pravosnažnosti ovog rješenja i uplaćene naknade iz tačke 2. dispozitiva ovog rješenja Katastar Službe za urbanizam, geodetske i imovinsko-pravne poslove Općine Maglaj i Općinski sud u Zavidovićima Zemljišnoknjižni ured Maglaj će na zemljištu iz tačke 1. dispozitiva ovog rješenja izvršiti upis **prava vlasništva u korist:**

SMAJLOVIĆ (Ramo) HAMZALIJA iz Čoba, općina Maglaj, sa 1/1.

4. Smajlović (Ramo) Hamzalija iz Čoba, općina Maglaj, dužan je nakon provođenja ovog rješenja u katastarskom operatu Katastra Službe za urbanizam, geodetske i imovinsko-pravne poslove Općine Maglaj i zemljišnoj knjizi Općinskog suda u Zavidovićima Zemljišnoknjižnog ureda Maglaj, pokrenuti postupak izdavanja urbanističke saglasnosti i odobrenja za građenje za izgrađene objekte na zemljištu iz tačke 1. ovog rješenja i dijelom na zemljištu u vlasništvu imenovanog označenom sa k.č. broj 467 k.o. Čobe.

5. Troškove postupka – taksu za donošenje rješenja u iznosu od **100,00 KM** dužan je u roku od 8 /osam/ dana od dana prijema rješenja uplatiti Smajlović (Ramo) Hamzalija na žiro-račun Budžeta Općine Maglaj broj 199-046-00032516-34, taksa za donošenje rješenja - vrsta prihoda 722131, Općina 060.

O b r a z l o ž e n j e

Dana 03.03.2014. godine Smajlović (Ramo) Hamzalija iz Čoba, općina Maglaj, podnio je Općinskom vijeću Maglaj, putem Službe za urbanizam geodetske i imovinsko-pravne poslove, zahtjev za utvrđivanja prava vlasništva na zemljištu u državnoj svojini, navodeći da je izgradio objekat na zemljištu u državnoj svojini označenom sa k.č. broj 464/19 k.o. Čobe te traži da mu se kao graditelju utvrdi pravo vlasništva na istom.

U postupku rješavanja po predmetnom zahtjevu, na osnovu priloženih i u postupku pribavljenih dokaza utvrđeno je sljedeće:

Stručno lice za urbanizam Jasminka Hajrulahović, dipl. ing. arh. po predmetnom zahtjevu izjasnila se u Izjašnjenju broj:05-31-6-209/14 od 11.05.2015. godine i Dopuni izjašnjenja od 10.09.2015. godine, navodeći da identifikacijom predmetnog zemljišta označenog sa k.č. broj 464/19 Vinogradići upisana u posjedovni list broj 13 k.o. Čobe, čiji je nosilac prava Skupština opštine Maglaj na dostavljenoj kopiji katastarskog plana sa važećom planskom dokumentacijom, utvrđeno je da se predmetno zemljište nalazi u obuhvatu Prostornog plana opštine Maglaj ("Službeni glasnik opštine Maglaj", broj: 2/90 i 1/13), da grafičkim prikazom Plana projekcije prostornog uređenja - Urbana područja, utvrđeno je da se predmetno zemljište nalazi u okviru Urbanog područja označenog kao ostala urbana područja sa režimom građenja III stepena, da Odlukom o provođenju Prostornog plana opštine Maglaj u članu 4. stav 1. određeno je da se na području opštine Maglaj kao urbana područja na kojim se može vršiti izgradnja objekata i druge intervencije u prostoru u skladu sa odgovarajućim planom i odredbama odluke o provođenju, da tačkom 3. Odluke o provođenju Prostornog plana opštine Maglaj utvrđeno je da su Ostala urbana područja III i IV režima građenja ucrtana na kartama – Projekcija Prostornog uređenja, da u članu 5. tačka 4. utvrđeno je da se režim građenja trećeg stepena utvrđuje za ostala urbana područja za koja se urbanistička saglasnost izdaje na osnovu prostornog plana, Plana parcelacije i urbanističko tehničkih uslova datih u Odluci o provođenju, te na osnovu izloženog je konstatovala da se predmetno zemljište nalazi u granicama označenog urbanog područja odnosno prostora predviđenog za izgradnju i u okviru ovog područja nije utvrđen režim zabrane građenja, a u dopuni izjašnjenja da se mogućnost naknadnog izdavanja odobrenja za građenje za izgrađeni objekat utvrđuje u postupcima u skladu sa odredbama Zakona o prostornom uređenju i građenju ("Službene novine Zeničko-dobojskog kantona", broj: 1/14) tj. postupcima izdavanja urbanističke saglasnosti i odobrenja za građenje po zahtjevu investitora.

Održana je usmena rasprava na licu mjesta dana 01.10.2015. godine na kojoj je stručno lice za geodetske poslove Nedžad Čatić, dipl. ing. geod. izvršio identifikaciju, a podnosilac zahtjeva Smajlović (Ramo) Hamzalija izjavio da traži da mu se utvrdi pravo vlasništva na zemljištu u državnoj svojini označenom sa k.č.broj 464/19 k.o. Čobe na kome je 1995./1996. godine izgradio stambeni objekat bez prava korištenja zemljišta radi građenja i na kome je dijelom a dijleom na k.č. broj 467 k.o. Čobe njegov prednik - otac Smajlović Ramo 1980. godine izgradio stambeni objekat, čiji je nasljednik sa bratom Smajlović

Hajrudinom i sestrom Bašić rod. Smajlović Rukijom sa po 1/3, te da je po međusobnom sporazumu njih nasljednika navedeni objekat pripao njemu, te će podnijeti zahtjev za fizičku diobu nekretnina u suvlasništvu odnosno u suposjedu. Izjavio je da je saglasan Općini Maglaj platiti naknadu za zemljište označeno sa k.č. broj 464/19 k.o. Čobe po tržišnoj cijeni zemljišta na toj lokaciji.

Na navedenoj usmenoj raspravi Smajlović (Ramo) Hajrudin je predložio da se po predmetnom zahtjevu odluči nakon što suvlasnici odnosno suposjednici k.č. broj 467 k.o. Čobe izvrše fizičku diobu nekretnina u suvlasništvu.

Smajlović (Ramo) Hamzalija je na Zapisnik broj: 05-31-6-209/14 od 07.10.2015. godine izjavio da nakon održane usmene rasprave na licu mjesta u ovom predmetu, njegov brat Smajlović (Ramo) Hajrudin i sestra Bašić rođena Smajlović Rame Rukija, su mu ugovorom o poklonu poklonili svoje nasljedne dijelove od po 1/3 nekretnina označenih sa k.č. broj 467 Vinogradić, kuća i zgrada površine 65 m² i dvorište površine 296 m², da navedeni ugovor o poklonu je proveo u katastru Službe za urbanizam, geodetske i imovinsko-pravne poslove i na predmetnim nekretninama upisan kao posjednik sa dijelom 1/1, te traži da mu se utvrdi pravo vlasništva na zemljištu označenom sa k.č. broj 464/19 k.o. Čobe površine 403 m², na kome je 1995/1996. godine izgradio objekat bez prava korištenja zemljišta radi građenja i na kojem je dijelom njegov prednik tj. njegov otac jednim dijelom izgradio objekat oko 1980. godine a koji objekat je u ostalom dijelu izgrađen na k.č. broj 467 k.o. Čobe.

Stručno lice za geodetske poslove Nedžad Čatić, dipl. ing. geod. prvobitno je dostavio izjavu na Zapisnik broj: 05-31-6-209/14 od 08.10.2015. godine u kojoj je naveo da je izvršio identifikaciju predmetne lokacije i utvrdio da na predmetnoj lokaciji zv. „Vinogradić“ u naselju Čobe, općina Maglaj, podnosilac zahtjeva je izgradio stambeni objekat dijelom na svojoj parceli a dijelom u državnoj parceli kao i pomoćne objekte i postavio ogradu oko parcele, da predmetna građevinska parcela je geodetski snimljena i sastoji se od katastarskih parcela označenih sa:

- k.č.broj 467 “Vinogradić” kuća i zgrada površine 65 m² i dvorište površine 296 m² upisana u posjedovni list broj 482 k.o.Čobe posjednik Smajlović Rame Hamzalija sa 1/1 i
- k.č.broj 464/19 “Vinogradići ” njiva 7. klase površine 403 m² upisana u posjedovni list broj13 k.o. Čobe posjednik Općina Maglaj sa 1/1.

Za dalje postupanje po predmetnom zahtjevu čekala se uspostava zemljišne knjige za k.o. Čobe, tj. uspostava zemljišnoknjižnog tijela za predmetnu nekretninu- zemljište.

U daljem postupku stručno lice za geodetske poslove Nedžad Čatić, dipl. ing. geod. dostavio je Zapisnik broj: 05-31-6-209/14 od 22.08.2022. godine o dopuni izjave stručnog lica za geodetske poslove, u kome je dopunio svoju naprijed navedenu izjavu datu u predmetnoj upravnoj stvari od 08.10.2015. godine jer je u međuvremenu u periodu 2020-2021. godine za k.o. Čobe uspostavljena zemljišna knjiga u projektu harmonizacije nekretnina, navodeći da su sada predmetne parcele označene sa:

- k.č. broj 467 “Vinogradići” kuća i zgrada površine 65 m² i dvorište površine 296 m² upisana u posjedovni list broj 482 k.o.Čobe, posjednik Smajlović Rame Hamzalija sa 1/1, po katastru zemljišta, a po zemljišnoj knjizi odnosi se na k.č. broj 467 u istoj površini upisana u zemljišnoknjižni uložak broj 382 k.o. Čobe, pravo vlasništva Smajlović (Ramo) Hamzalija sa 1/1 i

- k.č. broj 464/19 "Vinogradići" njiva 7. klase površine 403 m² upisana u posjedovni list broj 13 k.o. Čobe, posjednik Općina Maglaj sa 1/1, po katastru zemljišta, a po zemljišnoj knjizi odnosi se na k.č. broj 464/19 u istoj površini upisana u zemljišnoknjižni uložak broj 13 k.o. Čobe, pravo vlasništva Općina Maglaj sa 1/1.

Služba za urbanizam, geodetske i imovinsko-pravne poslove Općine Maglaj dostavila je Izjašnjenje broj: 05-31-6-209/14 od 25.08.2022. godine u kome je navela da utvrđeno je da se predmetno zemljište nalazi u obuhvatu Prostornog plana Opštine Maglaj ("Službeni glasnik Opštine Maglaj", broj: 2/90 i 1/13), da Grafičkim prikazom Plana projekcije prostornog uređenja – Urbana područja utvrđeno je da se predmetno zemljište nalazi u okviru Urbanog područja označenog kao Ostala urbana područja sa režimom građenja III stepena, da Odlukom o provođenju Prostornog plana općine Maglaj u članu 4. u stavu 1 određeno je da se na području opštine Maglaj kao urbana područja na kojim se može vršiti izgradnja objekata i druge intervencije u prostoru u skladu sa odgovarajućim planom i odredbama odluke o provođenju, da tačkom 3. Odluke o provođenju Prostornog plana opštine Maglaj utvrđeno je da su Ostala urbana područja III i IV režima građenja ucertana na kartama – Projekcije prostornog uređenja, da u članu 5. tačka 4. utvrđeno je da se režim građenja trećeg stepena utvrđuje za ostala urbana područja za koja se urbanistička saglasnost izdaje na osnovu Prostornog plana, plana parcelacije i urbanističko tehničkih uslova datih u Odluci o provođenju. Na osnovu iznesenog sa aspekta Prostorno planske dokumentacije, obzirom da se predmetno zemljište nalazi u granicama označenog Urbanog područja, odnosno prostora predviđenog za izgradnju u okviru kojeg nije utvrđen režim zabrane građenja, da nema smetnje za provođenje postupka utvrđivanja prava vlasništva na zemljištu u državnoj svojini označenom sa k.č. broj 464/19 k.o. Čobe na kojem je izgrađen stambeni objekat. Nakon rješavanja imovinsko pravnih odnosa na predmetnom zemljištu, investitor je dužan pokrenuti postupak izdavanja urbanističke saglasnosti i odobrenja za građenje za izgrađeni objekat.

Komisija za procjenu prometne vrijednosti nekretnina imenovana od strane Općinskog vijeća Maglaj, je u Zapisniku od 22.08.2022. godine dostavila procjenu tržišne vrijednosti predmetne nekretnine – zemljišta u iznosu od 6,00 KM po 1m² što ukupno iznosi 2.418,00 KM.

Općinsko pravobranilaštvo Maglaj dostavilo je Izjavu broj: U. 11/15 od 26.08.2022.godine u kojoj je navelo da nakon izvršenog uvida u dostavljene priloge iz spisa, prevashodno se upoznavši sa priloženim nalazima izjavljaju da objekti u vlasništvu podnosioca zahtjeva su izgrađeni na zemljištu koje je u Izjavi stručnog lica za geodeziju od 22.8.2022. godine u prilogu sa skicom lica mjesta, označeno sa:

- k.č. broj 467 "Vinogradić" kuća i zgrada površine 65 m² i dvorište površine 296 m² upisana u posjedovni list broj 482 k.o.Čobe posjednik Smajlović Rame Hamzalija sa 1/1 po katastru zemljišta, a po zemljišnoj knjizi odnosi se na k.č.broj 467 u istoj površini upisana u zemljišnoknjižni uložak broj 382 k.o. Čobe, pravo vlasništva Smajlović Rame Hamzalija sa 1/1 i
- k.č. broj 464/19 "Vinogradić" njiva 7. klase površine 403 m² upisana u posjedovni list broj 13 k.o. Čobe posjednik Općina Maglaj sa 1/1 po katastru zemljišta, a po zemljišnoj knjizi odnosi se na k.č. broj 464/19 u istoj površini upisana u zemljišnoknjižni uložak broj 13 k.o. Čobe, pravo vlasništva Općina Maglaj sa 1/1.

Dalje se pozvalo na navode iz naprijed navedenog Izjašnjenja Službe za urbanizam, geodetske i imovinsko-pravne poslove Općine Maglaj do 25.8.2022.godine, te navelo da iz Zapisnika o utvrđivanju prometne i građevinske vrijednosti nepokretnosti i prava od

22.8.2022. godine je vidljivo da je nadležna komisija procijenila zemljište na tom lokalitetu, kao i konkretnu parcelu u iznosu od 6 KM po 1m², te da cijeneći da su izjava stručnog lica za geodeziju, nadležne službe za urbanizam date u skladu sa strukom i naukom, kao i da su takve decidno navedene, da je u ranijem obilasku terena i uvidom u službenu evidenciju bilo moguće identifikovati nositelja prava posjeda predmetnog zemljišta, može se utvrditi da su se stekli uslovi iz člana 61. odnosno člana 78. Zakona o građevinskom zemljištu, da se podnosiocu zahtjeva u skladu sa zakonom, navedenom odlukom i Prostornim planom udovolji i utvrdi pravo posjeda – vlasništva u korist graditelja uz obavezu plaćanja naknade za dodijeljeno građevinsko zemljište i uređenje istog, kako je to u zakonskoj obavezi. U vezi sa naknadom koju je Općini Maglaj dužan izmiriti podnositelj zahtjeva, Općinsko pravobranilaštvo je napomenulo da je u postupku od strane nadležne komisije utvrđivana tržišna cijena 1m² zemljišta na lokaciji gdje se nekretnine nalaze. O utvrđenoj cijeni će se obavijestiti Općinsko vijeće, a radi određenja o cijeni 1m² zemljišta odnosno naknadi koju je podnositelj zahtjeva dužan izmiriti. Općinsko pravobranilaštvo je napomenulo da se kod određenja naknade, ista treba formirati sukladno odredbama člana 62. Zakona o građevinskom zemljištu a u vezi sa članom 53. Zakona o eksproprijaciji tj. cijena 1m² može biti tržišna, ne niža od iste, a naročito vodeći računa o cijeni koja je ranije postignuta na toj lokaciji.

Smajlović (Ramo) Hamzalija nije imao primjedbi na nalaze stručnih lica za urbanizam i geodeziju, niti na Zapisnik Komisije o utvrđivanju prometne i građevinske vrijednosti nepokretnosti i prava od 22.08.2022. godine, te je na Zapisnik broj: 05-31-6-209/14 od 26.08.2022. godine izjavio da traži da mu se utvrdi pravo vlasništva na zemljištu označenom sa k.č. broj 464/19 „Vinogradići“ njiva 7. klase površine 403 m², upisana u posjedovni list broj 13 k.o. Čobe i zemljišnoknjižni uložak broj 13 k.o. Čobe, posjednik i vlasnik Općina Maglaj sa 1/1, na kome je izgradio stambeni objekat, te da je saglasan za predmetno zemljište platiti naknadu po tržišnoj cijeni zemljišta a koja prema procjeni Komisije za procjenu prometne vrijednosti nekretnina imenovane od strane Općinskog vijeća Maglaj, od 22.08.2022. godine, iznosi 6,00 KM po 1m², te da nema primjedbi i da je saglasan sa Izjašnjenjem Službe za urbanizam, geodetske i imovinsko-pravne poslove Općine Maglaj broj: 05-31-6-209/14 od 25.08.2022. godine.

Članom 61. Zakona o građevinskom zemljištu ("Službene novine Federacije Bosne i Hercegovine", br. 25/03 i 16/04) je propisano da će na građevinskom zemljištu u državnoj svojini na kojem je izgrađena zgrada bez prava korištenja zemljišta radi građenja, a za koju se može naknadno izdati odobrenje za građenje po odredbama Zakona o prostornom uređenju, Općinsko vijeće utvrditi pravo vlasništva u korist graditelja, odnosno njegovog pravnog sljednika, uz obavezu plaćanja naknada za dodijeljeno zemljište na korištenje i za uređenje građevinskog zemljišta uz prethodno raspravljene imovinsko pravne odnose.

Članom 78. Zakona o građevinskom zemljištu je propisano da odredbe ovog Zakona koje se odnose na gradsko građevinsko zemljište primjenjuju se i na ostalo građevinsko zemljište

Članom 62. 63. i 64. Zakona o građevinskom zemljištu ("Službene novine Federacije Bosne i Hercegovine", br. 25/03 i 16/04) je između ostalog propisano da se iznos naknade za dodijeljeno gradsko građevinsko zemljište utvrđuje rješenjem o dodjeli tog zemljišta, te da se naknada za dodijeljeno gradsko građevinsko zemljište utvrđuje u skladu sa Zakonom o eksproprijaciji.

Članom 53. Zakona o eksproprijaciji ("Službene novine Federacije Bosne i Hercegovine", br. 70/07, 36/10, 25/12 i 34/16) je propisano da naknada za eksproprijirano poljoprivredno, građevinsko i gradsko građevinsko zemljište se određuje u novcu prema tržišnoj cijeni takvog zemljišta.

Na osnovu izloženog, utvrđeno je da postoje uslovi da se u skladu sa odredbama člana 61. i člana 78. Zakona o građevinskom zemljištu ("Službene novine Federacije Bosne i Hercegovine", br. 25/03 i 16/04), Prostornim planom opštine Maglaj i Odluke o provođenju Prostornog plana opštine Maglaj ("Službene novine opštine Maglaj", br. 2/90 i 1/13), utvrdi pravo vlasništva na predmetnom zemljištu u korist podnosioca zahtjeva Smajlović (Ramo) Hamzalije iz Čoba, općina Maglaj, kao graditelja objekta i pravnog sljednika graditelja objekta izgrađenih na istom, a koje objekte su podnosilac zahtjeva i njegov prednik izgradili bez prava korištenja zemljišta radi građenja.

Naknada za zemljište je obračunata po osnovu opredijeljene cijene od strane Općinskog vijeća u iznosu od _____KM za 1m².

Na osnovu izloženog, u skladu sa navedenim odredbama Zakona o građevinskom zemljištu FBiH („Službene novine Federacije Bosne i Hercegovine“, br. 25/03 i 16/04) te činjenice da za ostalo građevinsko zemljište nije propisana obaveza plaćanja naknade za uređenje i rente, izuzev obaveze plaćanja naknade za pogodnost (rente) kod izgradnje poslovnih i proizvodnih objekata u obuhvatu ostalog građevinskog zemljišta iz člana 65. Odluke o građevinskom zemljištu općine Maglaj („Službene novine Općine Maglaj“, br. 4/19 i 6/19), što je propisano članom 66. navedene Odluke, a koja odredba Odluke o građevinskom zemljištu općine Maglaj se ne odnosi na konkretnu upravnu stvar, odlučeno je kao u dispozitivu rješenja.

Troškovi postupka su obračunati u skladu sa tarifnim brojem 16. tačka 1. Odluke o općinskim administrativnim taksama i tarifi općinskih administrativnih taksa („Službene novine Općine Maglaj“, br. 2/19 i 6/21).

Ovo Rješenje je konačno u upravnom postupku i protiv istog se ne može uložiti žalba, ali se u roku od 30 (trideset) dana od dana prijema istog može pokrenuti upravni spor kod Kantonalnog suda u Zenici. Tužba se podnosi neposredno Kantonalnom sudu u Zenici.

DOSTAVLJENO:

1. Smajlović (Ramo) Hamzalija, Čobe - 2x
2. Općinski pravobranilac
3. Služba za urbanizam, geodetske i imovinsko pravne odnose
4. Katastar po pravosnažnosti
5. Služba za privredu, finansije/financije i razvoj poduzetništva
6. U spis
7. Arhiva

PREDSJEDAVALA
Svjetlana Zamboni

Obradivač: Sadina Bašić

Kontrolor: Nedžad Catić, pomoćnik općinskog načelnika po ovlaštenju

Skica sa lica mjesta u predmetu broj:05-31-6-209/14

podnosilac zahtjeva: Smajlović (Ramo) Hamzalija



Datum:01.10.2015. godine

R 1:400

uradio: Nedžad Čatić, dipl. ing. geod.

ZAPISNIK
o utvrđivanju prometne i građevinske vrijednosti
nepokretnosti i prava

Sastavljen dana 22.08.2022.godine, u upravnoj stvari procjene građevinskog objekta, stana i /ili zemljišta.

ČLANOVI KOMISIJE:

- Enisa Hatičić
- Dženana Hadžiedhemović
- Tarik Gračić

Procjena je vršena na osnovu zahtjev Službe za urbanizam, geodetske i imovinsko-pravne poslove općine Maglaj broj:05-31-6-209/14 i dr.od 18.08.2022.godine, a u smislu čl.10. Zakona o porezu na promet nekretnina («Sl.Novine ZE-DO Kantona» broj 06/09), i Rješenja Općinskog vijeća o imenovanju stručne Komisije za procjenu prometne vrijednosti nekretnine (Službene Novine općine Maglaj»broj 2/21).

U postupku izrade prijedloga Odluke o utvrđivanju naknade za zemljište koje bi bilo predmet dodjele, za sjednicu Općinskog vijeća, dostavljamo vam tržišne vrijednosti nekretnina koje su predmet naprijed navedenog zahtjeva (utvrđivanje prava vlasništva na zemljištu u državnoj svojini podnesenim od strane Smajlović (Ramo) Hamzalije, Smajlović (Isalam) Ruvejde i Dubravica (Rifet) Fikreta , svi iz Čoba, na kome je svaki od podnosioca zahtjeva izgradio objekat bez prava korištenja zemljišta radi građenja, a radi utvrđivanja prava vlasništva u korist graditelja objekta i dodjele zemljišta u skladu sa odredbama člana 61. i 78. Zakona o građevinskom zemljištu) :

1. Zemljište, označeno sa:

-k.č.broj: 464/19, „Vinogradić“ Njiva 7 klase površine 403 m²
Upisana u PL13 k.o.Čobe, posjednik Općina Maglaj sa 1/1

2. Zemljište, označeno sa :

-k.č.broj:464/18 „Vinogradić“, Njiva 7 klase površine 380 m²,
Upisano u PL 13k.o.Čobe,posjednik Općina Maglaj sa 1/1

3.Zemljište, označeno sa :

-k.č.broj:464/18 „Vinogradić“, Njiva 7 klase površine 134 m²,
Upisano u PL 13k.o.Čobe,posjednik Općina Maglaj sa 1/1

Komisija je konstatovala slijedeće: Zahtjev broj: 05-31-6-209/14 i dr. od 18.08.2022.godine dostavljen je Komisiji dana 19.08.2022. godine.

Komisija nakon izlaska na teren konstatuje da se predmetna zemljišta nalaze u MZ Čobe, pored nekategorisanog asfalnog puta kroz naselje Čobe.

Procjena vrijednost predmetnih nekretnina:

1.-k.č.broj:464/19, „Vinogradić“ Njiva 7 klase površine 403 m²
403,00 m² x 6,0 KM/m²= 2.418,00 KM

(Slovima: dvijehiljadečetiristotineosamnaest KM 00/100)

2.-k.č.broj:464/18 „Vinogradić“ Njiva 7 klase površine 380 m²
380,00 m² x 6,0 KM/m²= 2.280,00 KM

(Slovima: dvijehiljadedvjestotineosamdeset KM 00/100)

3.-k.č.broj:478/2 „Vinogradić“ Njiva 7 klase površine 134 m²
134,00 m² x 6,0 KM/m²=804,00 KM

(Slovima: osamstotinačetiri KM 00/100)

Procjena je izvršena u 12,00 sati.

STRANKA:

ČLANOVI KOMISIJE:

1. _____

2. _____

3. _____



